



Nuuk, 18. november 2015

Inatsisartut Suleriaasianni § 37 naapertorlugu Naalackersuisunut imaattumik apeqquteqarpunga.
(Inatsisartunut ilaasortaq Agathe Fontain, Inuit Ataqatigiit)

Apeqqutit:

1. Imm. 115 aappassaaneerneranni Peqqissutsimut naalackersuisoq siunnersuut akuerineqarpat 18 mio. kr-nik naleqassasoq oqaluttarfimmiit oqarpoq. Naatsorsuinermi aningaasartuutit immikoortitaarlugit suuppat?
2. Ukiuni 2012-2013-2014-milu ineqarnermut nerisaqarnermullu Kalaallit Peqqissartut illuata isertitai ukiukkaarlutik qanoq amerlatigippat
3. 2012-2013-2014 ukiukkaarlugit ineqarnermut nerisaqarnermullu akiliisimasut, napparsimasunut qassinut agguaqqapat ? Tassa napparsimasut qassit, nammineq ineqarnerminnut nerisaqarnerminnullu akiliillutik najorneqarpat?

Tungavilersuut:

Imm. 115-p suliarinerani ataatsimiititaliamit eqqartorluarneqareerluni ilaqtutani inuk ataaseq pineqartoq erseqqissarneqarpoq. Taamaakkaluartoq aappassaanerinninnermi Naalackersuisup angalanermut aningaasartuutit taputartuuppai. Siunnersuummi ineqarnermut nerisaqarnermullu nammineq akilerlugu aggersimanermi akiliutigineqartartut pineqarput. Taamaattumik Naalackersuisoq naatsorsuisimanersoq paaserusunnarpoq. Naalackersoq ulloq 13. november inersuarmi ilaatigut ima oqarpoq: " Massakkut ersarissaasoqarpoq tassa pineqartut inuttut ulorianartorsiortut tamarmik ilaquataasa ingiallortinneqartarnissaat. Taannalu pineqarmat paasivarput aningaasarparujussuit 1,2 millioniinnaangitsut, kisianni 18 million koruunit angusinnaallugit allaat, imaluunniit 10 million krone, naluara, ulloq ataasiinnaq periarfissaqarnikuugatta ajoraluartumik".